

19.11.2020

UKA2020/67

Qilalukkat nipinut illersorneqarnissaat siunertaralugu kangerlunni qaortat qernertallu sivisunerusumik najortagaanni angallatit aalajangersimasut ingerlaartarnerisa killilerneqarsinnaaneranut periarfissat misissoqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut. Misissuineq UKA2021-mut naammassineqarsimassaaq iliuusissanillu aalajangersimasunik siunnersuutitaqassalluni. (Inatsisartunut ilaasortaq, Jens Napaatooq)

Qilalukkat qaortat qinnertallu aasisarfiini kangerlunni uninngaartarfii ilu allani umiarsuarnik takornarissanillu nipiliorfigineqartanginnissaat anguniarlugu misissueqqusineq Inatsisartut aaliangiiffisassatut siunnersuut Jens Napaatooq-mit qaqlinneqartumut siumumiit qutsavigaarpuit imaattunillu oqaaseqarfigissavarput.

Misilittakkakka aallaavigalugit qilalukkat qaortat nalitta avataanut pisartut kilisaatit akornanni neriniartarput kilisaatit nujuvarinngivilugit, immaqa sarpiisa nipiliornerat sungiutarsimavaat aammami arfiviit eqqaat najussallugit assut nuannarisarpaat, tassa piniarniarneqarnerlutik imaluunniit piniarniarneqannginnerlutik apeqquaatittarunarpaat aammami silatoorsuugamik taamaangippammi uumaffigiuminaannerpaami umasinnaanaavianngikkaluarput, aamma qinnertat taamaapput.

Siunnersuuteqartulli eqqartugai kitaani avinngarusimasuni tunumilu kangerluit Qilalukkat uninngaartarfii eqqissismatissinnaaneri, Siumumiit isumarpot malillugu Inatsisikkut Nalunaarutikkullu periarfissaqareerpoq taakkulu atorluarlugit nalimmassarnerisigut iluarsineqarsinnaapput, soorunami piffinni atuisut ilisimasallillu peqatigalugit.

Piniarneq aallaaniarnerlu pillugit Inatsisartut inatsisaat nr. 12, 29. Oktober 1999-imeersoq.

Eqqissismatitsineq, piujaannartitsiniarluni teknikkikkut iliuutsit, iluaquteqarniarneq il.il.

§ 8. Naalakkersuisut piniarnerup aallaaniarnerullu malittarisassatigut aqunneqarnerat pillugu iliuuseqarsinnaapput, taamatuttaaq makku pillugit malittarisassiorsinnaallutik:

Imm. 2. Naalakkersuisut imm. 1 malillugu malittarisassiornermi Kommunit peqqusinnaavaat tamatumunnga atatillugu pisariaqartinneqartumik allaffissornikkut ingerlatsineq isumageqqullugu.  
Imm. 3. Taamaattoq Naalakkersuisut piginnaatitsinerisigut aalajangersakkat imm. 1-im taaneqartut Kommunimut ataatsimut qassiinulluunniit atuutilersinneqarsinnaapput Naalakkersuisut akuerisaannik kommunalbestyrelsip pineqartup kommunimut ileqqoreqqusaliorneratigut.

Aamma

Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. Januar 2017-imeersoq.

### Kapitali 3 Eqqissisimatisineq

§ 3. Qilalukkat qaqtortat qernertallu immani Kalaallit Nunaata oqartussaaffigisaani tamani eqqissimatitaapput. § 4-mi taaneqartut kisiisa pinnagit.

Kapitali 5 Piniakkat killeqarfii aallaavigalugit piniarfinnik aalajangersaasoqassaaq.

§ 5. Piniakkat Nunap immikkoortuinik killeqarfefeqarput.

Imm. 2. Uumasoqatigiit Nunap immikkoortuini qanoq killeqarfefeqarnerat pillugu ilisimasat nutaanerpaat tunngavigalugit piniarfissat aalajangersarneqassapput.

Tassalu siunnersuuteqartup siunnersuutanut Inatsit nalunaarullu siunnersummut attuumassuteqartut pingaarnersiorlugin tigulaariffigineri taamaaput, taakualu nalimmassarnerisigut siunnersuuteqartup anguniagai anguneqarsinnaapput nalunaarusiunngikkaluarluni, piffinni ilisimasallit atuisullu peqatignerisigut.

Siumumiillu siunnersuuteqartoq ugguuna isumaqatigaarput Qilalukkanik kisitsinermi pisassiinermilu atuisut ilisimasaat aamma piniarneq pillugu siunnersuisooqatigiit kiisalu Knapk kattuffiup iluamik atorneqannginnerat, tamanna iluarsisariaqarpoq pigaarutilik, taamaaliornikkut eqqornerusumik pisassiisoqartalerniassaaq minnerunngittsumik Nunatta Kangiani.

Tassami Nalunaarummi ima allassimasoqarmat:

Kapitali 4 § 4. Naalakkersuisut qilalukkanik qaqtortanik qernertanillu uumasoqatigiinnut ataatsinut immikkut ukiumut ataatsimut imalunniit ukiunut arlalinnut pisassiissutinik aalajangersaassapput. Pisassiissutinik aalajangersaaneq makkua eqqarsaatigalugit pissaaq:

3) atuisut ilisimasaat. Aamma

4) Piniarneq pillugu siunnersuisooqatigiit ilaasortaanit kommuninillu tusarniaaneq.

Nalunaarutip siunnersummut attuumasortaa pingaarnersiorlugu tigulaariffagalugu.

Siumumiit taamatut oqaaseqarluta ataatsimiitaliamut susassaqtumut ingerlatippapput ataatsimiitaliamilu ilaasortat sulilluarnissaannik kissaallugit.

Qujanaq

Henrik Fleischer, Siumut